

AUGLÝSING

um afgreiðslutíma verslana á Eskifirði.

1. gr.

Auglýsingin tekur til hvers konar smásöluverslana á Eskifirði, þ. á m. söluturna og til brauð- og mjólkurbúða.

Undanþegnar ákvæðum auglýsingarinnar eru þó lyfjabúðir, bifreiðastöðvar og bensínafgreiðslur. Ekki ná ákvæðin heldur til sjálfsala, blaðasölu á götum, merkjasölu og annars slíks.

Ef ágreiningur ris um skilning á ákvæðum auglýsingar þessarar, úrskurðar bæjarstjórn það, að fenginni umsögn lögreglustjóra, en skjóta má þeim úrskurði til ráðherra.

2. gr.

Daglegur afgreiðslutími smásöluverslana og annarra sölustaða, er auglýsing þessi tekur til, skal vera sem hér segir, nema öðruvísi sé sérstaklega ákveðið í auglýsingunni.

Virka daga skal heimilt að opna sölustaði kl. 8.00 og loka skal þeim eigi síðar en kl. 18.00.

Á þriðjudögum og föstudögum skal heimilt að halda öllum sölustöðum opnum til kl. 22.00.

Á laugardögum skal heimilt að halda sölustöðum opnum til kl. 12.00 Fyrsta laugardag í desember má þó halda sölustöðum opnum til kl. 16.00, en aðra laugar-daga í þeim mánuði til kl. 18.00. Hinn 18. desember má halda verslunum opnum til kl. 22.00 en sé 18. desember sunnudagur gildir sú regla 19. desember.

Síðasta virkan dag fyrir aðfangadag jóla skal heimilt að hafa verslanir opnar til kl. 24.00. Á miðvikudag fyrir páska skal heimilt að hafa verslanir opnar til kl. 22.00.

Bæjarráð getur heimilað að sölustaður verði opnaður fyrr en segir í þessari grein.

3. gr.

Afgreiðslutíma brauð- og mjólkurbúða skal vera heimilt að hafa hinn sama og afgreiðslutíma almennra verslana, og enn fremur skal vera heimilt að hafa þær opnar til kl. 16.00 á laugardögum og frá kl. 9.00—16.00 þá daga, sem um ræðir í B-lið 7. gr.

4. gr.

Í sérhverri verslun skal auglýstur fastur afgreiðslutími hennar. Afgreiðsla um söluop er ekki heimil í þeim verslunum, sem hafa afgreiðslutíma skv. 2. og 3. gr. þessarar auglýsingar.

5. gr.

Bæjarráð getur leyft, að vikið sé frá ákvæðum 2. gr., þegar um er að ræða sölu-turna og sambærilega sölustaði, þannig að þeir verði opnir til kl. 23.30.

Sölustaðir þeir, sem um ræðir í 1. mgr. skulu aðgreindir frá verslunum eða birgðageymslu verslunar.

Á sölustöðum þeim, er kvöldsöluleyfi hafa má selja eftirtaldar vörur:

Sælgæti, súkkulaðikex, tóbaksvörur, öl og gosdrykki, blöð og tímarit, ískökur, íssósar, skyndiplástur, blöðrur, flugelda, saltstengur, öryggi, eldspýtur, dömubindi, rakblöð, sólgleraugu, kort, frímerki, bolluvendi, spil, greiður, hárlakk, filmur, hárkrem, stílabækur, reikningsbækur, blýanta, vinnuvetlinga, rakspíritus, raksápu og rakkrem, sokka, sokkabuxur, kaffi, te, kakó, ávaxtasafa, grænar baunir, sveppi, aspargus, niðursoðna ávexti, strásykur, molasykur, salt, kornflakes, sinnep, tómát-

sósu, súpur, appelsínur, epli, banana, steiktar kartöflur, búðinga, (búðingsduft), harðfisk, kex, kartöflumús, maís, egg, smjör, samlokur, handsápu og WC pappír, niðursoðna saxbauta, kjötbollur, fiskbollur og niðursoðinn barnamat.

Vegna sölu á eftirgreindum vörutegundum ber að sækja um það sérstaklega til heilbrigðisnefndar: Ís, heitar pylsur og smurt brauð (samlokur).

Bæjarráð getur breytt framangreindum vörulista.

6. gr.

Bæjarráð getur að fenginni umsögn heilbrigðisnefndar heimilað, að verslanir, sem eingöngu selja heitar pylsur, smurt brauð, öl og gosdrykki, mjólk og vörutegundir innan þeirra marka, er um ræðir í 3. mgr. 5. gr. megi vera opnar alla daga, nema þá, sem um getur í A-lið 7. gr., sbr. einnig C-lið sömu greinar.

Bæjarráð getur að fengnum meðmælum lögreglustjóra leyft, að slíkar verslanir verði opnar eftir kl. 23.30. Í leyfi skal þá tilgreint hvenær loka skuli, svo og nánari skilyrði um umbúnað allan á hlutaðeigandi sölustað.

7. gr.

Um lokun sölustaða á einstökum helgidögum og hátíðisdögum gilda eftirfarandi reglur:

- A. Föstudaginn langa, páskadag, hvítasunnudag og jóladag skal öllum sölustöðum lokað allan daginn.
- B. Alla sunnudaga, nýársdag, skírdag, annan páskadag, annan hvítasunnudag, sumardaginn fyrsta, 1. maí, uppstigningardag, 17. júní, fyrsta mánudag í ágúst og annan jóladag skal sölustöðum lokað allan daginn, sbr. þó undantekningar-ákvæði 3., 5., 6. og 10. gr.
- C. Aðfangadag jóla og gamlársdag skal öllum sölustöðum lokað eigi síðar en kl. 15.00.

8. gr.

Í kvikmyndahúsum, leikhúsum, á íþróttavöllum, útiskemmtistöðum og slíkum stöðum skal heimilt að fengnu leyfi heilbrigðisnefndar að selja sælgæti, tóbak, gosdrykki og annað slíkt, sem ætla má að neytt verði á staðnum. Einnig má selja sýningarskrár, minjagrip og annað slíkt sem eðlilegt telst, að þar sé til sölu, utan þess tíma, er um getur í 2. gr. þó aldrei eftir að sýningu lýkur eða skemmtistað er lokað.

9. gr.

Eftir lokunartíma sölustaða er óheimilt að selja þann varning, sem verslunarleyfi þarf til sölu á, þó skal heimilt að afgreiða það fólk sem komið er í verslun eða sölustað, þegar lokað er.

10. gr.

Bæjarráð getur leyft rýmri afgreiðslutíma, þegar um er að ræða sölu á blómum, garðplöntum, jólatrjúm, minjagripum, svo og vörum til tækifærisgjafa.

Bæjarstjóri getur heimilað í einstökum tilvikum rýmri sölutíma en segir í auglýsingu þessari, þegar hann telur sérstaklega ástæðu til, m. a. þegar ágóði af sölu skal renna til almenningsheilla eða góðgerðarstarfsemi.

11. gr.

Fyrir leyfi skv. 5. gr. skal greiða gjald í bæjarsjóð skv. ákvörðun bæjarstjórnar. Bæjarráð getur veitt aðila, er rekur biðskýli fyrir strætisvagnafarþega í sambandi við söluturn, undanþágu frá greiðslu gjalds, skv. 1. mgr.

Ef leyfishafi brýtur gegn ákvæðum auglýsingar þessarar eða skilyrðum, sem bæjarráð og heilbrigðisnefnd setja fyrir leyfi, greiðir ekki gjaldið á gjalddaga, eða rekstur sölustaðar þykir ekki fara vel úr hendi, getur bæjarráð svipt leyfishafa leyfinu, enda hafi leyfishafi ekki látið segjast við aðvörun.

12. gr.

Brot gegn auglýsingu þessari varða sektum. Með mál út af brotum á auglýsinguinni skal farið að hætti opinberra mála.

Auglýsing þessi, sem bæjarstjórn Eskifjarðar hefur samið og samþykkt samkvæmt lögum nr. 17 frá 1. febrúar 1936 um samþykktir um lokunartíma sölubúða, öðlast þegar gildi, þó með þeim takmörkunum, sem lög nr. 45 frá 15. júní 1926 setja og birtist til eftirbreytni öllum þeim, sem hlut eiga að máli.

Félagsmálaráðuneytið, 3. febrúar 1977.

F. h. r.

Hallgrímur Dalberg.

Skúli Sigurðsson.

REGLUGERÐ

um gatnagerðargjald A í Suðureyrarhreppi.

1. gr.

Almenn ákvæði.

Sveitarstjórn er heimilt að leggja gatnagerðargjald á lóðir í kaupþúninu, eftir því sem nánar segir í reglugerð þessari.

Gatnagerðargjald A er gjald vegna þátttöku lóðarhafa í kostnaði við undirbyggingu götu fyrir bundið slitlag.

Þegar veitt er byggingarleyfi án undangenginnar lóðarveitingar er greiðsla gatnagerðargjalds áskilin og skal húsbyggjandi greiða gatnagerðargjaldið samkvæmt gjaldskrá, en þó aðeins af byggingaráfanga hverju sinni, sbr. þó 5. mgr.

Þegar veitt er byggingarleyfi fyrir breytingu eða endurbyggingu húsnæðis, sem felur í sér breytta notkun þess, þannig að húseignin eða hluti hennar færist í hærri gjaldflokk, þá skal húseigandi greiða gatnagerðargjald af hinu breytta húsnæði, sem nemur mismuni á gjaldinu reiknuðu af hinu breytta húsnæði fyrir og eftir breytinguna.

Hafi byggingarleyfi verið veitt og aðeins hluti þess notaður innan tilskilins tíma, skal við endurnýjun leyfisins greiða fullt gjald af þeim hluta byggingarinnar, sem byggingarleyfið er endurnýjað fyrir, að frádregnu því gatnagerðargjaldi, sem áður hefur verið greitt af sama áfanga.

Lóðin er veitt í því ástandi, sem hún er í við afhendingu hennar, og á lóðarhafi engar kröfur á hendur sveitarfélagsins síðar, vegna ástands hennar. Lóðarhafi skal hlíta byggingarskilmálum svo og öðrum þeim lögum og reglum, sem til greina kunna að koma og settar kunna að verða.